

Exitoso buki Mafia Meid di Nyorka Lindeborg lo wordo promociona na Aruba



ORANJESTAD - Despues di un ronda promocional exitoso na Hulanda y Corsou, ta toca turno na Aruba pa conoce e historia impactante relata den e buki *Maffia Meid*, e autobiografia di Nyorka Lindeborg.

Nina su historia ta fungi como un inspiracion y advertencia serio pa hobennan pa no scoge un carera den criminalidad. A pesar di un hubentud turbulento, ta remarcabel pa mira con Nina a tuma rienda di su bida y awor ta pasa su tempo papiando cu hobennan den riesgo y ma-

manan soltero. Actualmente Tele Curaçao ta grabando un documentario di su bida, y e autor kier bishita Aruba fin di augustus pa presenta e buki y papia di su experiencianan. Cu diesdos aña, nan ta ranc'e fo'i su padrastronan na Corsou y mande pa su mama na Hulanda, kende tabata traha como prostituta, na entre otro Arnhem, hunto cu su pareha nobo.


Nan tabata terorisa y abusa di Nina sin misericordia y asina a pone e hoben huy fo'i cas. Ta sigui un bida extraordinario rondona pa droga y prostitucion na Twente,

Friesland, Groningen, Amsterdam y Rotterdam.

Nina ta hinca su mes profundamente den traficacion di droga, y ta drenta den un relacion cu un di e narcotraficante di mas grandi di Hulanda, Surinam y Antias Hulandes. E ta bira un di e transportado di droga di mas importante y ta hunga un papel estelar den top di e sindicato. Cu su personalidad colorido, pa añanan Nina ta logra di scapa e garanen di husticia y por poco a scapa cu su bida. Al final, Nina ta bin realisa cu e bida di crimen no ta paga, y e ta keda condena na e castigo di mas halto cu un muhe a ser condena pa un delito di droga den historia di reino Hulandes.

E buki di historia di Nina ta ofrece un entrada den e mundo fascinante y violento di e sindicato di crimen cu reisan na Antias, Surinam y Hulanda, y finalmente ta conta con el a logra sali for di e bida aki. Co-autor Hendrik Jan Korterink ta skirbi pa entre otro *Nieuwe Revu* y *Panorama*.

Anteriormente el a publica varios 'bestsellers' cu ta inclui *Bruinsma BV*, *Haagse Penoze* y *Cor* – e secuestrado di Heineken, *Cor van Hout*. E buki *Maffia Meid* tabata 'sold out' na tur boekhandel



na Hulanda, Corsou y tambe na Aruba. Awor a drenta un carga bek y e ta obtenibel na bo boekhandel preferi. Pa mas informacion y peticion

pa entrevista, por manda un mail na menschemedia@yahoo.com Bishita www.facebook.com/Maffiameid of Instagram @maffiamaid